

Broj: 01-02-360-2/23
Sarajevo, 04.01.2024. godine

Primljeno: 05-01-2024			
Org. jed.	Broj	Priloga	Vrijednost
05/1	-02-	538	23

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI DOM PARLAMENTA FEDERACIJE BOSNE I HERCEGOVINE**
gosp. Ivan Miličević, sekretar Predstavničkog doma Parlamenta FBiH
gosp. Admir Čavalić, zastupnik (stranka za Bosnu i Hercegovinu)

PREDMET: Odgovor na zastupničko pitanje, *dostavlja se*

Veza: Naš akt broj: 01-02-360/23 od 14.07.2023. godine

Poštovani,

Aktom broj: 05/1-02-538/23 od 21.12.2023. godine, dostavili ste zastupničko pitanje gosp. Admira Čavalića, zastupnika, kojim se traži dostavljanje informacije o imenovanim savjetnicima pri Uredu premijera Federacije Bosne i Hercegovine, s tim u vezi podsjećam da je aktom od 14.07.2023. godine, zastupniku ranije dostavljen odgovor za imenovane savjetnike pri Uredu premijera Federacije Bosne i Hercegovine.

Obzirom da su u međuvremenu pri Uredu premijera Federacije Bosne i Hercegovine angažirane još dvije savjetnice, dostavljam sljedeće podatke:

Draženka Subašić – savjetnica premijera za finansije i odnose sa međunarodnim finansijskim institucijama - rođena 1977. godine u Zenici gdje je završila osnovnu i srednju školu. Završila je Ekonomski fakultet Univerziteta u Sarajevu, a potom na istom univerzitetu je stekla i zvanje magistra ekonomskih nauka iz oblasti finansijskog menadžmenta. Uspješno je okončala i specijalistički master studij na Univerzitetu TORVERGATA u Rimu, Italija, gdje je stekla zvanje specijaliste za internacionalne javne nabavke i upravljanje infrastrukturnim projektima. Stalno je zaposlena od 07.01.2002. godine u struci na poslovima gdje je profesionalno iskustvo stekla u oblasti mikrofinansija, bankarstva, menadžmenta, finansija, javnih finansija, strateškog planiranja, regionalnog razvoja, prostornog uređenja i ekologije, socijalne zaštite i obrazovanja, radeći kao rukovodilac u međunarodnim i domaćim finansijskim institucijama, humanitarnim organizacijama, razvojnoj agenciji i ustanovi socijalne zaštite. Obnašala je veoma odgovorne funkcije u Skupštini Zeničko – dobojskog kantona kao predsjedavajuća skupštine i delegatkinja u Domu naroda Parlamenta FBiH, te je bila imenovana za ministricu Ministarstva za obrazovanje, nauku, kulturu i sport u Vladi Zeničko – dobojskog kantona.

Od ostalih stručnih zvanja i angažmana istakli bismo da je stalni sudski vještak ekonomske struke iz oblasti tržišne ekonomije, računovodstva i finansija, imenovana od strane Federalnog ministarstva pravde od 2012. godine. Aktivno govori engleski jezik.

Dženita Salihović – savjetnica premijera za analitiku i informisanje - rođena 1983. godine u Sarajevu gdje je završila osnovno, srednje i visokoškolsko obrazovanje. Diplomirala je na Fakultetu političkih nauka u Sarajevu – odsjek politologija i stekla zvanje diplomirani politolog. Na istom fakultetu okončala je i Master studij, a master tezu će braniti u narednom periodu. U medijima je radila 9 godina na pozicijama glavnog producenta, urednika, voditelja, novinara i reportera. Tokom rada u medijima bila je projekt menadžer/ koordinator na 4 najveća USAID-

ova i EU projekta osnaživanja nezavisnih medija koji su tretirali teme korupcije, kriminala, vladavine prava, ljudskih prava i EU integracija. Profesionalno iskustvo stekla je i radeći u Američkom udruženju pravnika gdje je bila šef ureda direktoru kancelarije za BiH. Aktivno govori engleski i njemački jezik.

S poštovanjem,

PREMIJER

Nermin Nikšić



Dostaviti:

- Naslovu
- a/a